



Bibliotheca Rhetorum

In quo Causae Forenses, Liber Epistolarum, Liber Fabularum, Et
Oratiunculae

Le Jay, Gabriel François

Ingolstadij, 1726

Demostheni, qui ex acie cùm fugeret, & adhæsisset rubo inter fugiendum,
disertam ad rubum ipsum, quem hostem crederet, Orationem habuerat.

[urn:nbn:de:hbz:466:1-71049](#)

etum animi tueri sustineat. Quod nisi valeat
assequi, quibus se demum periculis, fortuna
filius, quisquis erit, objiciet! Est enim hæc, ut
satis nosti, Numinis illius indeoles, ut mutabili-
tate maximè gaudeat, & superbos etiam trium-
phos tristissimis vertere funeribus delectemur.
Hanc verò reflantis fati sævitiam tantò gravio-
rem sentire quis solet, quantò suaviùs blandien-
tis illecebras degustārit. Tum verò lætitiaæ suc-
cedit dolor, & immoderatos risus amari fletus
occupant. Vide ergo, mi Theophile, ne quid
rebus in prosperis admittas, cujus in adversis te
pœniteat. Ita porro, si me audias, fortunam
feres tuam, ut si, pro mobilitate, quâ viget, à te
recesserit, eâ facile carere possis. Vale.

DEMOSTHENI

*Qui ex acie cùm fugeret & adhæsisset
Rubo inter fugiendum, disertam ad
Rubum ipsum, quem hostem crederet,
Orationem habuerat.*

Jocularis & Satyrica.

Quibus ego te verbis prosequar, Amice mi?
quâ gestientis animi significatione, gra-
tulabor tibi periculi magnitudinem, quod
Iospes & incolumis evasisti? Fatere nunc demum
gravissimos esse bellorum casus, quibus ferendis
virtus quantumvis heroica vix ac ne vix quidem
sufficiat. Quanquam accusare satùs non possum
hostis

hostis illius vel temeritatem vel impunitam, quae sic occupavit incautum, & quem aggredi per-
timuisset à fronte, fugientis tergori laqueos te-
tenderit. Non nōrat ille profecto, qualis vir-
fores; quem si contigisset talem suspicari, re-
rendum sibi potius, quam lacescendum Adven-
tarium censuisset. Ut enim feritatis oblitus fu-
est, cùm sensit, quicum sibi res incidisset! ut
auditā Demosthenis voce ab inferendā conti-
meliā statim abstinuit; ut horridus totus & exer-
cis metuendus aculeis resedit ultrò, placatiusque
rībi est! tantum ad mitigandam hostis rigidū &
speritatē tua valuit facundia! Nihil est dein-
ceps, Amice, quod ulla armorum vices perti-
mescas, aut fugiendum tibi putes ex acie, cùm
deficiet animus & mortis metus ingruet. Habet
in eloquentiā tuā certissimum adversus quam-
cumque Martis aleam præsidium. Quis erit ho-
stis tam ferus, tam barbarus, tam avidus cædis
& sanguinis, qui resistat tibi, quem non exer-
mes, postquam rigidum, asperum, humanitatis
omnis expertem Rubrum vicisti, superasti? Fel-
ices porrò & fortunatæ nimium Athenæ, quæ te
alumno gaudeant! securas esse jam illas volo,
quid consilii Philippus capiat, quid machinetur,
quid paret, dum te sospitem salvumque Athe-
niensis populus sibi gratulabitur. Habebit ille
propugnaculum, cui tanquam infelici scopulo
virtus hostis allisa succumbat. Tu verò lætam
in urbem quamprimum advola, fruere votis o-
mnium, & gravissimā redditū tui expectatione.
Jam prævit dudum victoriæ tuæ fama, & om-
nium animos suavissimā cogitatione devinxit.
Plausus excipe, quos meritus es, & qui paratur
virtuti tuz triumphum præstolare. Vale.

ADO.

